

LA PUNT



Infuormaziuns da la corporaziun evangelica Ardez - Ftan - Guarda



AVUOST, SETTEMBER, OCTOBER 2026



Bainvuglientscha – che bel pled!



Grond sta'l scrit sülla paraid aint il cor da la baselgia d'Ardez in ün vers our da l'evangeli da Lucas: „Gloria a Dieu illas ottezzas e pasch sün terra e bainvuglientscha tanter ils umans.“ Che vuol dir bainvuglientscha? Il salüd sün via, il surrier illa butia, l'ögliada amiaivla ed ün sincer «co vaja?» sun sgüra part da la bainvuglientscha in nos minchadi invers noss conumans.

Ma eu craj cha la bainvuglientscha es amo alch plü profund: Il respet invers l'oter uman e l'incletta cha minchün es istess important. Il sustegn e l'agüd vicendaivel, as partecipar e cuntribuir a la vita da la cumünanza, predschar e stimar invezza da be criticar, as interessar pel visavi, ans artschaiver ün a tschel cul cour avert ed in möd curaschus. Esser generus e na güdichar a la svelta. Star aint pella güstia pels umans e la natüra. Dumondar, tadlar, pardunar. Provar dad incleger, provar dad ir a l'inscunter, provar da lair e far il bain. Forsa cumainza la pasch sün terra pro la bainvuglientscha tanter ils umans.

Eu As giavüsch ün bun temp cun pasch e bainvuglientscha!


rav. Marianne Strub





Cult divin ecumenic illa baselgina da Gonda (Lavin)

dumengia, ils 09 d'avuost a las 11.00



Las raspadas Ardez-Ftan-Guarda e Zernez invidan ad ün cult divin ecumenic cun rav. Marianne Strub e rav. Mathew Charthakuzhiyi illa ruina da la baselgia da Gonda. Davo il cult divin daja la pussibilità da star da cumpagnia e mangiar insembel giantar. La charn per sül grill as piglia cun sai, las salatas, desserts e bavrondas vegnan sportas.

In cas da trid'aura ha lö il cult divin illa baselgia da Lavin.

Cult divin cumünaivel sülla Motta Naluns

dumengia, ils 23 d'avuost a las 10.00

Insembel culla raspada da Scuol-Tarasp e Sent invida la corporaziun Ardez-Ftan-Guarda al cult divin cumünaivel cun rav. Marianne Strub, rav. Renate Zürcher e rav. Peter Schwab. Davo las 11.00 daja ün brunch da cumpagnia.

Per detagls verer ils placats.



Cult divin a Garsun

dumengia, ils 06 da settember a las 16.00



Sco minch'on invida la corporaziun evangelica Ardez-Ftan-Guarda ad ün cult divin cumünaivel a Garsun.

Davo il cult divin daja sco üsità ün aperitiv pro la baselgia per pudair star amo ün mumaint da cumpagnia.

Festa da rogaziun federala

dumengia, ils 20 da settember a las 9.30 ad Ardez, a las 11.10 a Ftan ed a las 17.00 a Guarda.

In tuots trais cults divins vain celebrada la Soncha Tschaina e prelet il mandat da la regenza grischuna.



Festa da la racolta e cult divin ecumenic a Ftan

dumengia, ils 4 d'october a las 11.00



Per la Festa da la racolta invidan la corporaziun evangelica e la raspada catolica ad ün cult divin ecumenic cun rav. Marianne Strub e rav. Mathew Charthakuzhiyi a Ftan pro'ls Lais da Pesch. Davo la predgia daja la pussibilità da sezzer insembel e giodair ün giantar cumünaivel.

Per detagls verer ils placats.





Maisas da gientar per tuots e tuottas d'Ardez e Guarda

Las prosmas maisas da gientar han lö i'l hotel Alvetern ad Ardez in

- **mardi, ils 4 d'avuost**
- **mardi, ils 1 da settember**
- **mardi, ils 6 d'october**



Annunzchas, fin il plü tard il di avant, piglia incunter Erna Fontana, 081 862 23 50.

Per giasts da Guarda vegn organisà il transport.

Viadi per senioras e seniors

gövgia, ils 1. d'october a Tavau



Il consistori invida cordialmaing a las senioras e'ls seniors dad Ardez, Ftan e da Guarda ad ün viadi a Tavau. Là giodaina ün gientar da cumpagnia cun interessants inscunters ed invistas.

L'invid culs detagls segua a temp ütil.

Il Sainin

venderdi, ils 18 da settember tanter las 9.30 e las 11.00

Ils venderdis dals 18 da settember, 30 d'october e 27 da november 2026 ha darcheu lö il Sainin illa sala cumünala ad Ardez. Uffants tanter 0 e 5 ons - accumpagnats dad ün creschü – sun cordialmaing invidats da gnir a tadar ün'istorgia da la Bibla, da chantar, da giovar e da star da cumpagnia.



Per ulteriuras infuormaziuns as poja contactar a rav. Marianne Strub, 081 862 23 61.

La Predgina



La Predgina cumainza eir quist on darcheu davo las vacanzas da scoula d'utuon. Infuormaziuns seguan a temp ütil da las manadras Cilgia Koller ed Annina Mengiardi.

Ulteriuras occurrenzas a regard noss progets vegnan publicadas sün nossa pagina d'internet e sün placats

Concert da la fuormaziun vocala ENsemble illa baselgia da Ftan dumengia, ils 23 d'avuost 2026 a las 17.00

La fuormaziun vocala *ENsemble* cun 15 chantaduras e chantadurs laics da l'Engiadina vegn dirigi da la giuvna musicista Miriam Brang. *ENsemble* s'allegra da preschantar eir quist on al public ün program varià da chant a cappella cul motto «fluors».

Il concert spordscha ün püschel da chanzuns dedichadas a las fluors, al flurir ed al prosperar.





Concert classic illa baselgia da Guarda

marcurdi, ils 9 da settember a las 17.00



In occasiun dal «StradivariFest 2026» a Scuol dà il *StradivariQuartett* eir quist'on ün concert illa baselgia da Guarda. Lur program as dedischescha a las «Quatter stagions/ Vier Jahreszeiten» d'Antonio Vivaldi. Bigliets as poja reservar pro'l turissem Engiadina Scuol Zernez, 081 861 88 00


PREAVIS: Radunanza da preventiv e tschernas dumengia, ils 15 da november a las 11.00 illa baselgia da Ftan

Avant la radunanza da preventiv da la corporaziun evangelica Ardez-Ftan-Guarda ha lö ün cult divin cun concert da clarinetta da Stephan Britt.

L'invid e las tractandas vegnan publicadas a temp ütil.



Vacanzas da nossa ravarenda



Dals 12 fin als 21 d'october es nossa ravarenda Marianne Strub absainta. Dals 22 fin als 25 d'october es nossa ravarenda sün viadi cun ils confirmants/las confirmandas.

Per casualias vegn ella rimplazzada seguaitamaing:

12 fin 21 d'october -> rav. Romana Giossi, Zernez, 081 856 15 43

19 fin 25 d'october -> rav. Christoph Reutlinger, Tschlin, 081 866 32 63

Casualias in noss cumüns

Battaisems:

Matteo Strimer, 26.4.2026, Ardez

Marie Papst, 26.4.2026, Guarda

Benedict Alexander Knoblauch, 21.6.2026, Ardez

Nozzas:

Ingünas

Mortoris:

Paulin Nuotclà, 25.05.2026, Susch/Ftan

e nossa fidela organista: Ida Zisler, 31.5.2026, Sent

Adressas:

Pravenda

Dna. rav. Marianne Strub,

Chasa da pravenda,

7546 Ardez, 081 862 23 61

marianne.strub@gr-ref.ch

Secretariat

Corporaziun evangelica Ardez-Ftan-Guarda

Secretariat, Arfusch 166,

7546 Ardez, 081 860 34 10

secretariat.pravenda@bluewin.ch



www.ardez-reformiert.ch/rm

